

Broj: 01-2278/26-6

Datum: 4.08.2026. godina

Na osnovu člana 64. stav (1) tačka a), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), te na Preporuku Komisije za javnu nabavku broj: 01-2278/26-6 od 03.08.2026. godine, u postupku javne nabavke ulja i maziva za teretni program i poljoprivredne mašine, direktor JKP „Komunalac“ d.o.o Tuzla je donio

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 01-2278/26-5 od 03.08.2026. godine i okvirni sporazum za javnu nabavku ulja i maziva za teretni program i poljoprivredne mašine se dodjeljuje ponuđaču **„Kirsch prom“ d.o.o. Tuzla ponuda broj 1777/26 od 27.07.2026. godine, po cijeni od 91.393,00 KM bez PDV-a**, kao najbolje ocijenjenom ponuđaču.

Član 2.

Prijedlog okvirnog sporazuma dostavit će se na potpis izabranom ponuđaču **„Kirsch prom“ d.o.o. Tuzla**, po proteku roka od 15 dana, računajući od dana kada su ponuđači obaviješteni o izboru najpovoljnije ponude.

Član 3.

Ponuđač kojem je dodijeljen Okvirni sporazum je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH“, broj: 39/14, 59/22 i 50/24), u roku od 5 (pet) kalendarskih dana. Rok od 5 dana teče od perioda primitka Odluke o izboru najpovoljnijeg ponuđača.

Član 4.

Ova odluka objavit će se na web-stranici www.komunalactz.com.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-2278/26-1 od 09.07.2026. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 110.000,00 KM.

Obavijest o nabavci broj: 781-1-1-237-3-95/26 objavljena je na Portalu javnih nabavki dana 09.07.2026. godine.

Komisija za javnu nabavku imenovana je Odlukom broj: 01-2278/26-2 od 09.07.2026. godine.

Komisija za javnu nabavku dostavila je Zapisnik o ocjeni ponuda broj: 01-2278/26-4 i Preporuku o izboru najpovoljnijeg ponuđača broj: 01-2278/26-5 od 03.08.2026. godine.

U postupku dalje je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri) ponude
- da je blagovremeno zaprimljeno 3 (tri) ponude.
- da nije bilo neblagovremenih ponuda
- da su 2 (dvije) ponude nepravilne
- da je 1 (jedna) ponuda prihvatljiva.

Ponuda ponuđača „Mirado“ d.o.o. Tuzla je nepravilna u skladu s članom 2. stav 1), podtačka 3) Zakona o javnim nabavkama BiH. Naime, tačkom 2.3 Tenderske dokumentacije propisano je da: „Ulja i maziva moraju imati barem po jedan od *approvala* ili traženih specifikacija navedenih u Aneksu 2.“ te kao dokaz: „Ponuđači su dužni dostaviti uz ponudu Tehnički list za svaki ponuđeni proizvod iz kojih je vidljivo da odgovaraju traženim specifikacijama. Tehničke listove ponuđači su dužni dostaviti u kopiji.

Tačkom 4.9 Tenderske dokumentacije propisano je sledeće:

Ponuda se dostavlja na jednom od službenih jezika u Bosni i Hercegovini, na latiničnom ili ćiriličnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini.

Dokumentacija može biti i na drugom jeziku, ali u tom slučaju se obavezno prilaže i prevod ovlaštenog sudskog tumača za jezik sa kojeg je prijevod izvršen za dijelove dokumentacije iz kojih će se vršiti ocjena kvalifikovanosti ponuđača i prihvatljivosti ponude.

Navedeni ponuđač je u svojoj ponudi za stavku pod rednim brojem 4,13,17,19,22,25,26,27 i 28 dostavio tehničke listove kao dokaz na engleskom jeziku, što nije u skladu sa Tenderskom dokumentacijom.

Shodno navedenom ponuda ponuđača „Mirado“ d.o.o. Tuzla je nepravilna te nije predmetom dalje ocjene.

Ponuda ponuđača „Total trade“ d.o.o. Doboj je nepravilna u skladu s članom 2. stav 1), podtačka 3) Zakona o javnim nabavkama BiH. Navedeni ponuđač je u obrascu za cijenu ponude ponudio proizvode koji ne odgovaraju traženim tehničkim specifikacijama. Naime, tačkom 2.3 Tenderske dokumentacije propisano je da: „Ulja i maziva moraju imati barem po jedan od approvala ili traženih specifikacija navedenih u Aneksu 2.“ te kao dokaz: „Ponuđači su dužni dostaviti uz ponudu Tehnički list za svaki ponuđeni proizvod iz kojih je vidljivo da odgovaraju traženim specifikacijama. Tehničke listove ponuđači su dužni dostaviti u kopiji.“. Specifikacija za stavku 13 u obrascu za cijenu ponude glasi: MAST crvena, litij-kalcijeva mast, primjena u uslovima velikih opterećenja, raspon radne temperature -25°C do +130°C, NLGI 2, DIN 51 502 KP2K-20, te su ponuđači morali dostaviti u ponudi tehnički list za traženi proizvod na kojem je vidljivo da ponuđeni proizvod posjeduje najmanje jedan od approvala ili specifikacija. Ponuđač „Total trade“ d.o.o. Doboj je dostavio u ponudi tehnički list za proizvod koji nudi za stavku 13 u obrascu za cijenu ponude, a iz kojeg je komisija utvrdila da ponuđeni proizvod ne odgovara traženim specifikacijama. Naime, tenderskom dokumentacijom je zahtjevana litij-kalcijeva mast, crvene boje dok je ponuđena litijumska mast, zelene boje. Iz dostavljenog tehničkog lista proizilazi da se radi radi o proizvodu drugačijeg sastava koji ne odgovara traženim tehničkim specifikacijama.

Također i za stavku pod rednim brojem 20, za koju specifikacija glasi: TEČNOST ZA BRISAČE za cijelogodišnju upotrebu, minimalno -25°C, ponuđač „Total trade“ d.o.o. Doboj je dostavio u ponudi tehnički list za proizvod koji nudi za stavku 20 u obrascu za cijenu ponude, a iz kojeg je komisija utvrdila da ponuđeni proizvod ne odgovara traženim specifikacijama. Naime, tenderskom dokumentacijom je zahtjevana tačka mržnjenja minimalno -25°C, dok je ponuđena tečnost za brisače sa tačkom mržnjenja -22°C. Iz dostavljenog tehničkog lista proizilazi da se radi radi o proizvodu drugačijeg sastava koji ne odgovara traženim tehničkim specifikacijama.

Shodno navedenom ponuda ponuđača „Total trade“ d.o.o. Doboj je nepravilna te nije predmetom dalje ocjene.

Komisija je dalje utvrdila da je ponuda ponuđača „Kirsch prom“ d.o.o. Tuzla, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način, te da ima ekonomski najpovoljniju ponudu, odnosno najbolje ocijenjenu kvalifikovanu ponudu u predmetnom postupku nabavke. Obzirom da je kriterij za dodjelu ugovora „ekonomski najpovoljnija ponuda“ odlučeno je kao u članu 1. ove odluke.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. Stav 1. Tačka a) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi u najmanje tri primjerka.

Dostavljeno:

1x Kirsch prom d.o.o. Tuzla

1x Mirado d.o.o. Tuzla

1x Total trade d.o.o. Doboj

1x aa

Direktor

Mr.sc. Admir Bećirović

